

P R A V I L N I K
O USTROJU, STJECANJIMA ZVANJA, PRAVIMA I DUŽNOSTIMA
TAEKWONDO SUDACA ZA BORBE

Na osnovu članka 39. i 40. Statuta Taekwondo saveza Bosne i Hercegovine, Izvršni odbor za WTF Taekwondo saveza Bosne i Hercegovine, na sjednici održanoj dana 22. decembra 2022.godine u Banjaluci, donio je:

P R A V I L N I K O USTROJU, STJECANJIMA ZVANJA, PRAVIMA I DUŽNOSTIMA TAEKWONDO SUDACA

USTROJ SUDACA

Član 1.

IO WTF TKDS BiH je na prijedlog Zbora sudaca oformio Sudačku komisiju kao svoje stručno tijelo i imenuje predsjednika Sudačke komisije koji saziva komisiju, rukovodi njenim radom i izvještava IO WTF TKDS BiH o prijedlozima i radu Komisije. Sudačku komisiju čine 3 taekwondo suca.

Član 2.

Zbor sudaca je stručna baza Sudačke komisije koju čine sve osobe sa sudačkim zvanjem TKDS BiH. Sastaje se po potrebi najmanje jednom godišnje, prilikom održavanja sudačkog seminara, a saziva ga predsjednik Sudačke komisije ili IO WTF TKDS BiH. Zbor sudaca daje prijedloge i sugestije o načinu ustroja i rada sudaca, o stručnosti i kvaliteti suđenja, predlaže Predsjedništvu TKDS BiH kadrove za sudačku komisiju.

ZADACI SUDAČKE KOMISIJE

Član 3.

Zadaci Sudačke komisije su slijedeći:

- – Prati kvalitetu suđenja i predlaže Predsjedništvu TKDSBiH mjere za unapređenje suđenja i organizira školovanje sudaca kao i provođenje ispita za međunarodne suce
- – Na temelju pokazane kvalitete suđenja i rezultata ispita predlaže Predsjedništvu TKDSBiH listu sudaca za svaku godinu, te kandidate za međunarodne suce
- – Predlaže Predsjedništvu TKDSBiH Pravilnike vezane uz ustroj i rad sudaca i formulare za rad sudaca na natjecanjima
- – Delegira suce za takmičenja TKDSBiH, a za takmičenja na državnom nivou suce delegira predsjednik sudačke komisije dok za regionalno može i član Komisije zadužen za dotičnu regiju ili tijelo regionalnog saveza
- – Predlaže suce za međunarodna takmičenja
- – Poziva suce na turnire koji su u kalendaru aktivnosti Taekwondo saveza Bosne i Hercegovine

STJECANJE ZVANJA, RANGIRANJA I DUŽNOSTI TAEKWONDO SUDACA

Član 4.

Suci se dijele na pripravnike, suce III. klase, suce II. klase, suce I. klase i internacionalne suce. Zvanje internacionalnog suca dodjeljuje Svjetska taekwondo federacija (WT) u skladu sa svojim pravilima.

Ostala sudačka zvanja dodjeljuju se u skladu sa ovim pravilnikom, članovima TKDSBiH građanima BiH.

Član 5.

Taekwondo sudac – pripravnik se može postati nakon najmanje 3 godine vježbanja taekwondo ukoliko je kandidat punoljetan, sa završenom srednjom školom, nositelj zvanja najmanje 1. DAN i ukoliko položi sudački ispit.

Član 6.

Zvanje taekwondo suca III. klase mogu steći osobe koje ispunjavaju slijedeće uslove:

- – da su punoljetne
- – da su završile srednju školu
- – da su nositelji zvanja 1. Dan
- – da imaju godinu dana staža kao suci pripravnici sa najmanje 6 suđenja
- – da su položile ispit za zvanje suca III. klase

Član 7.

Zvanje taekwondo suca II. klase mogu imati osobe koje ispunjavaju slijedeće uslove:

- – da su punoljetne
- – da su završile srednju školu
- – da su nositelji zvanja 2. Dan
- – da imaju godinu dana staža kao suci III. klase sa najmanje 8 suđenja
- – da su položile ispit za zvanje suca II. klase

Član 8.

Zvanje taekwondo suca I. klase mogu imati osobe koje ispunjavaju slijedeće uslove:

- – da su punoljetne
- – da su završile srednju školu
- – da su nositelji zvanja 3. Dan
- – da imaju godinu dana staža kao suci II. klase sa najmanje 10 suđenja
- – da su položile ispit za zvanje suca I. klase

Član 9.

Zvanje taekwondo suca internacionalne klase mogu dobiti oni suci koji učestvuju na seminaru koji organizuje WT, ukoliko ispune slijedeće uslove unutar SK TKDSBiH:

- – da imaju napunjenih 25 godina starosti
- – da su završile srednju školu
- – da su nositelji zvanja 4. Dan
- – da imaju 10 godina aktivnog suđenja ili 4 godine staža kao suci I klase
- – znanje engleskog jezika
- – položen ispit SK TKDSBiH na engleskom jeziku

ISPIT ZA SUCE

Član 10.

Sudačka komisija utvrđuje Program ispita za taekwondo suce i imenuje Ispitnu komisiju. Ispitna komisija se sastoji od 3 člana iz redova iskusnih taekwondo sudaca, najmanje sudaca I. klase sa dokazanim kvalitetima i odgovornošću.

Program ispita za zvanja je u pravilu jednak. Sastoji se od teoretskog dijela u kojem treba pokazati poznavanje pravila natjecanja i praktičnog dijela u kojem treba pokazati tehniku suđenja.

Ispiti za viša zvanja trebaju posebno pokazati poznavanje dužnosti sudaca, ali i poznavanje ovog Pravilnika u cjelini.

Ispitna komisija dostavlja Sudačkoj komisiji rezultate ispita, a Sudačka komisija na osnovu toga registrira sudačka zvanja.

Član 11.

Regionalne taekwondo organizacije mogu organizirati ispite i dodjeljivati zvanje sudaca pripravnika. Ispit se provodi prema Programu ispita odobrenom od Sudačke komisije TKDSBiH, a kandidati moraju ispunjavati uslove iz ovog Pravilnika.

Regionalne taekwondo organizacije dodjeljuju licence koje isključivo važe za tu regiju i samo na nivou regionalnog natjecanja.

Član 12.

Suci Pripravnici mogu obavljati dužnosti zapisničara i mjeritelja vremena i dužnosti pokrajnih sudaca, te sudaca u borilištu na nivou regije ukoliko nema dovoljno sudaca više klase. Suci III. klase mogu obavljati dužnosti Pripravnika, te sudaca u borilištu na nivou TKDSBiH ukoliko nema dovoljno sudaca više klase.

Suci II. klase mogu pored dužnosti suca II. klase obavljati dužnosti suca u borilištu na svim takmičenjima i dužnost sudaca porotnika na regionalnom takmičenju.

Suci I klase mogu obavljati sve dužnosti sudaca na takmičenjima u BiH

DELEGIRANJE SUDACA NA TAKMIČENJIMA

Član 13.

Sudačka komisija delegira suce za natjecanja koja su u kalnedaru aktivnosti TKDS BiH najkasnije 7 dana prije takmičenja.

U slučaju spriječenosti delegirani sudac može otkazati najkasnije 48 sati prije takmičenja.

Suci koji se ne odazovu pozivu, niti se na vrijeme ispričaju, podliježu disciplinskoj odgovornosti.

Član 14.

Sudac koji je za takmičenje delegiran kao glavni sudac izvještava Sudačku komisiju o kvaliteti suđenja delegiranih sudaca. Tokom takmičenja glavni porotni sudac, odnosno sudačka porota, može isključiti suca iz bilo koje borbe sa tog takmičenja.

PRAVA I OBAVEZE SUDACA

Član 15.

Sudac sa utvrđene liste TKDSBiH može u tekućoj godini suditi nakon što mu se izda licenca TKDSBiH. Iznos takse za sudačku licencu utvrđuje IO WTF TKDS BiH.

Član 16.

Suci licencirani od strane Sudačke komisije TKDS BiH unutar BiH mogu isključivo suditi na turnirima koji su u kalnedaru aktivnosti TKDS BiH.

Član 17.

Organizator ili domaćin takmičenja tokom takmičenja isplaćuje sucima troškove putovanja i boravka prema odluci IO WTF TKDS BiH.

Suci imaju pravo na honorar (sudačku taksu) ovisno o trajanju takmičenja, dužnosti na takmičenju i sudačkom zvanju. Iznos takse utvrđuje IO WTF TKDS BiH.

ZAVRŠNE ODREDBE

Član 17.

Ovaj Pravilnik stupa na snagu prihvatanjem na sjednici IO WTF TKDS BiH.

Obavezno tumačenje ovog Pravilnika daje IO WTF TKDS BiH.

Banjaluka, 22. novembra 2022.godine

SUDAČKI TROŠKOVNIK

Obračun sudačkih dnevnica se vrši na slijedeći način:

- zbraja se jedinstvena dnevica (koja je ista za sve sudije i iznosi 60,00 KM)
- zbraja se dodatak za klasu (koji je različit zavisno od klase koju sudac ima položenu)
- zbrajaju se troškovi prevoza (koji se obračunavaju po 0.20 KM po pređenom kilometru iz mjesta prebivališta suca do mjesta održavanja takmičenja i nazad)
- glavni sudac ima dodatak od 70 KM zbog organizovanja sudaca i rukovođenja takmičenjem
- sudac na vagi, koja se obavlja dan ranije ima dodatak od 50,00 KM

Obračun sudačkih dnevnica se može napraviti na osnovu jedinstvene formule: $D = JD + DK + TP$

Gdje je: (D) - Dnevica, (JD) - jedinstvena dnevica, (DK) - dodatak za klasu, (TP) - troškovi prevoza

No.	Položena licenca	Jedinstvene dnevnice	Dodatak za klasu (taksa)	Dodaci	Troškovi prevoza po kilometru
1.	Pripravnik	60 KM	0 KM		0,20 KM
2.	Sudac 3. klase	60 KM	10 KM		0,20 KM
3.	Sudac 2. klase	60 KM	30 KM		0,20 KM
4.	Sudac 1. klase	60 KM	50 KM		0,20 KM
5.	Sudac IR	60 KM	100 KM		0,20 KM
6.	Glavni sudac			70 KM	
7.	Sudac na vagi			50 KM	